



UNIVERSITÄTS-
BIBLIOTHEK
PADERBORN

Ocvlvs, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. III. Nervus opticus cum suis tunicis.

[urn:nbn:de:hbz:466:1-71258](#)

micos 7. illi musculos libenter concedo. Cur enim homo dete-
rioris esset conditionis, quam bestiae? Andreas Vesalius de corp.
hum, fabrica, l. 2. c. ii. septimum oculi musculum ex instituto
probat. Et Carolus Stephanus, atque Stephanus Riuierius, de dis-
sectione partium corporis humani, l. 3. c. 9. & 10. aiunt ex Gale-
ni sententia septem esse oculi musculos. quibus alijs quamplurimi
Doctores accedunt.

NERVVS OCVLI OPTICVS, ET partes ex ipso pronascentes.

C A P V T III.

Apter neruus ex quo interior oculi substantia tanquam nu-
cleus è caule pronascitur, dicitur Opticus, & prodit ex ipsâ
meninge tam durâ, quam molli, ipsaq; cerebri medullâ, &
per angustos cranij meatus intra frontis atque nasi promonto-
rium, tereti canale descendens, tandem ex latere eiusdem nasi
Foramen Nerui O- haud procul à foramine nerui Animastici per proprium, eumq; ro-
ptici. tundum cauum erumpit, & in tres principales oculi tunicas eu-
luitur: quarum extima à durâ matre seu meninge generata, est &
Scleroti- dicitur Sclerodes, latinè consolidatiua, opacâ sui portione poste-
ca tunica. riore, perspicua anteriore, quæ appellatur Cornea.

Choroi- Mater pia explicatur in choroidem posticam & latentem
des tuni- oculi tunicam, nec non Vueam anticam atque patentem.

Retiformis tuni- Id quod intra hanc tunicellam versatur, prouenit ex ipsius
ca. cerebri medullâ, & post nerui dilatationem in tenerum, delica-
tum, fragilemq; expandit folliculum haud absimilem vesicæ,
tunicae choroidi ubique contiguum, processibus ciliaribus com-
missum: & quia nonnihil varietatis aspersum habet ex innume-
ris venulis ipsam perreptantibus, nomen Retinæ inuenit potius,
quam (ut nonnullis placet) à similitudine figuræ. Sic enim &
sclerotica & Choroides tunica Retiformis dici posset, quod ex-
tremo retis sacco, non minus sit similis, quam ipsa tunica Retina,
cuius concavitas superat superficiem hemisphericam, & sinu,

suo

suo humorem Vitreum arctè ubique complectitur, qui anteriore sui parte Cristallini medietatem excipit, & processibus ciliaribus tanquam diaphragmate ab humore Aqueo secernitur. Qui quidem processus humorem Christallinum medium veluti Zonâ cir. Ciliares. Processus Ciliares. cùm circa arreptum, liberè in centro sui firmiter suspensum tenet, & densitate nativa, opacitate atque pectinibus, seu corona radiofa, speciebus luci, & Aqueo humoris transitum negant.

Post humorem Christallinum, sequitur anterior oculi sinus, quem tunica Vuea, Cornea, Processusq; Ciliares efformant, ab humore Aqueo insclusus. Oculi sinus anterior.

Et sic partes oculi à nero Optico progenitæ visionis cliendæ organa, specierum recipiendarum hospitia, visus ipsius domicilium atque sedes, sunt vel tunicæ vel humores, ideoq; discretæ; Nam humor tunicæ continuari non potest.

Tunicæ oculi principales & totales secundum continuationis nexū spectatae, sunt tres, Consolidatiua, totum oculum ambiens, ex Albâ & Corneâ constans; tum ea, quæ ex Vuea & Choroide conflatur; tandem Retina; cui si Araneam & Hyaloidem adnectas, absurdi nil commiseris, quod eæ ex hac enasci videantur, est enim Retiformis ad pectines omnino hisce continuata, teste oculari experientia, contra, quam nonnemini videatur: sed certior est oculus videns, & manus contrectans quam phantasia imaginans, aut intellectus præiudicans. Testes huius veritatis oculi sunt innumeri, & qui visum habet, si alijs fidem negat, oculis suis utique habebit. Franciscus Aquilonius & alij probi auctores huic veritati subscribunt.

Processus ciliares sunt communia omnium tunicarum vincula, hi enim tunicas anticas à posticis non tantum discernunt, sed & suo quasi modo conuinciunt; hi humorem Vitreum & Aqueum interstant, Cristallinumq; in medio ipsorum consolidant, & quia à communi Corneæ atque Scleroticæ confinio introrsum versus humorem Christallinum, vel ab hoc versus Scleroticam quodammodo procedunt, nomen hoc inuenierunt, cui à cilijs superaddita vox est ideo, quod instar capillorum ciliarium radij quidam setosi, seu fibræ nigrae ab ijs introrsus in retiforme spargantur,

gantur, &c. Hisce etiā processibus vis quædam inesse videtur, totum oculi bulbum constringendi atq; relaxandi, Vueam explicandi atq; complicandi, Christallinumq; humorem protrudendi & retrahendi, vt suis locis fusius constabit. Ex his alia partialis tunicarum distributio originem traxisse videtur, quā fit, vt Cornea, Sclerodes, Vuea, Choroides, Aranea, Hyaloïdes, Retina, septem feriorum diversitatēm, sunt omnino tunicæ existant, omnes communi quodam vinculo Processuum Ciliarium, vt dictum colligatæ. Qua diuisione, auctōrum septem exemplo, etiam vtremur, &c. Vide Keplerum, Aquapendentiū, Francisc. Aquilonium. &c.

Humores sunt tres, Aqueus, Cristallinus, Vitreus, nec sibi neque tunicis continui; contigi tunicis, sibi verò deinceps. Extimum locum occupat Aqueus, intimum Vitreus, hos inter suspensus est Cristallinus.

PARTIVM ENUMERATARVM

Perspicuitas, & Opacitas.

CAPUT IV.

Tunica
Retina
diaphana
est

OMNES TUNICÆ præter Sclerodem, Vueam & Choroidem sunt diaphanae: ultra mediocritatem Cornea, minus Retina, de quā solā dubiū esse posset, an omnino pellucida esset; sed probatur manifestā experientiā & ratione inde deduxta: constat enim pupillas animalium diuersicolores esse, experientiā teste; atqui colores illi non sunt nisi Choroidis per Retinam translucens quædam quasi concavæ tinturæ: nam fundus Choroidis taurinæ cœruleus, felinæ flavius existit, &c. teste experientiā: Igitur Retina translucet. &c.

A Alha-
zen.

Humores itidem omnes pellucidi sunt; maximè Cristallinus, reliqui duo minus. Vitreus enim hinc dictus est, quod vitrum, licet purissimum, viriditate tamen aliquantulum imitatur, Aqueus, quod aquam. Sicut autem perspicuitas corporibus inest ex eo, quia coloribus destituuntur, ita è contrario opacitas colore semper & necessariò comitantur: imò è solo colore ortum habere